



Broj: 11-06/01-04-31603-61/25
Sarajevo, 22.12.2025. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo
-ovdje-

PREDMET: Odgovor na zastupničko pitanje - *dostavlja se*

Poštovani,

Zastupnica u Skupštini Kantona Sarajevo **Elza Gaković** je u skladu sa čl. 106. i 213. Poslovnika Skupštine Kantona Sarajevo, dana 04.12.2025. godine, uputila je zastupničku inicijativu, koja glasi:

„Od Ministarstva za odgoj i obrazovanje Kantona Sarajevo tražim da hitno reaguje i naloži svim školama na području Kantona Sarajevo da odmah pristupe redovnom godišnjem ocjenjivanju radnika koji su zaposleni na radnom mjestu asistent u odjeljenju/grupi, jer je nedopustivo da pojedini direktori: samoinicijativno odbijaju provoditi zakonske obaveze, proizvoljno donose odluke da asistenti „ne trebaju biti ocjenjeni“, otvoreno ignorišu Pravilnik i zvanične akte Ministarstva. Ovakvim postupcima direktno se ugrožava radni status i profesionalni integritet asistenata. Nepoštovanje propisa je neprihvatljivo, predstavlja svjesno kršenje propisa i stvaranje pravne nesigurnosti za radnike u obrazovnim ustanovama. Zbog toga iniciram:

- 1. Da Ministarstvo izda obavezujuću instrukciju svim školama, uz precizan rok,*
 - 2. Da se izvrši kontrola poštivanja propisa u školama čiji direktori odbijaju ocjenjivanje,*
 - 3. Da se pokrenu mjere prema odgovornim licima u slučaju daljnjeg ignorisanja obaveza.*
- Radnici koji obavljaju jedan od najzahtjevniji poslova u sistemu obrazovanja ne mogu biti taoci samovolje direktora niti biti izuzeti iz procesa koji je zakonska obaveza svake škole. “.*

Odgovor:

Ministarstvo za odgoj i obrazovanje Kantona Sarajevo je u aktu, broj: 11-05/02-02-7476-1/23 od 27.03.2023. godine, jasno i precizno definisalo da se svi radnici u školama ocjenjuju, te da je tom prilikom dostavljeno i Tumačenje Pravilnika broj: 11/04-05-sl./15 od 11.11.2015. godine, koje je izdalo Ministarstvo u kojem je navedeno da se svi zahtjevi uposlenika u javnoj ustanovi za utvrđivanje ocjene o radu ili prava na napredovanje upućuju direktoru škole, te da je dalje navedeno da je već tim tumačenjem utvrđeno pravo svih radnika na ostvarivanje ocjene o radu i prava na napredovanje. Utvrđuje se činjenica da Pravilnik o ocjenjivanju, napredovanju i sticanju stručnih

zvanja odgajatelja, profesora/nastavnika i stručnih saradnika u predškolskim ustanovama, osnovnim, srednjim školama i domovima učenika („Službene novine Kantona Sarajevo“, broj: 19/04) eksplicitno ne prepoznaje asistente. Međutim, podsjećamo da se članom 104. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), propisuje da „Stav (1) **Rad radnika se sistematično i kontinuirano prati i ocjenjuje**“.

Nadalje, članom 111. tačka c) navedenog zakona propisuje se da direktor između ostalog donosi i druga rješenja koja se tiču radno-pravnog statusa radnika. Tačkom 9. Pedagoških standarda i normativa za osnovnu školu prepoznati su asistenti u odjeljenju čija uloga je prvenstveno da pružaju podršku učenicima s teškoćama u razvoju u ostvarivanju odgojno-obrazovnih ishoda i socijalno-pedagoških poticaja, te osiguranja samostalnosti učenika, te su definisani poslovi u odjeljenju, kao i profil i stručna sprema.

U konkretnom slučaju, nesporno je da svi radnici u osnovnim školama imaju pravo na ostvarivanje ocjene o radu i pravo na napredovanje, uključujući i asistente u odjeljenju, naime nesporno pravo na ocjenjivanje svih radnika. Nepostupanjem na okolnosti ocjenjivanja asistenata može dovesti do eventualnog diskriminatornog postupanja u odnosu na ostale neposredne učesnike u odgojno-obrazovnog procesa (nastavnika i stručne saradnike).

Međutim, napominjemo da zakonski propisi ne poznaju pojam retroaktivnog dejstva. Ističemo da retroaktivnu primjenu propisa zakonski propisi ne prepoznaju. Princip zabrane retroaktivnosti je sastavni dio principa pravne sigurnosti koji je neodvojiv od principa vladavine prava, a što su o navedenom obavezne voditi računa komisije za praćenje rada uposlenika kao i njihova sticanja prava za napredovanje u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim, srednjim školama i domovima učenika („Službene novine Kantona Sarajevo“, broj: 19/04). Ministarstvo za odgoj i obrazovanje Kantona Sarajevo će metodom slučajnog uzorka izvršiti nadzor nad postupanjem u vezi sa postupcima ocjenjivanja radnika u školama.

Nadalje, informišemo Vas da je pripremljen novi prijedlog Pravilnika o ocjenjivanju, napredovanju i sticanju stručnih zvanja radnika, u kojem je definisano pitanje ocjenjivanja asistenata u odjeljenju/grupi, iako je navedenim aktima Ministarstva i zakonom dato pravo za ostvarivanje istog.

S poštovanjem,



Dostaviti:

1. Naslovu;
2. Evidenciji;
3. A/a.